

## Blachi di instruccion 1 Muda bay un otro pais



Ta pertenece na actividad 1.2

### Bo yiu ta siña:

- Loke un mudamento ta encera.
- Descubri na kico e ta duna balor.

### Bo tin mester lo siguiente:

- Papel A4.
- Kleurpotlood of stift.

### Kico bo ta haci cu bo yiu:

#### STAP 1. COMBERSACION TOCANTE 'MUDAMENTO'

Tene un combersacion cu bo yiu tocante 'mudamento pa otro pais'. Bo conoce un hende di otro pais cu a muda y a bin biba na Aruba, of un hende di Aruba cu a muda y a bay biba na un otro pais? Conta bo yiu di esaki.

#### STAP 2. MI TA BAY MUDA Y MI TA HIBA...

Scoge hunto cu bo yiu kico e ta hiba ora cu e muda bay biba na otro pais.

Hunga un wega cu bo yiu. Bo ta bisa e frase 'Mi ta bay muda y mi ta hiba...'.

Abo mes ta scoge loke abo ta hiba cu bo. Por ehempel bo cacho.

Despues ta beurt pa bo yiu. E ta bisa: 'Mi ta bay muda y mi ta hiba: mi cacho y...'.

Bo yiu mes ta pone acerca loke e ta hiba. Por ehempel su peluche.

Despues abo ta na beurt. Bo ta bisa: 'Mi ta bay muda y mi ta hiba: e cacho e peluche y ...'. Bo mes ta agrega algo atrobe.

Asina e wega ta sigui, te ora un di boso lubida cua ta e secuencia corecto di e obhetonan.

#### STAP 3. LOKE MI TA BAY HAYA FALTA DI ARUBA

Laga bo yiu pinta tur loke e lo bay haya falta di Aruba ora e muda pa un otro pais.